

## **PRAVILNIK NAGRADNE IGRE „KLUB PLUS - G100“**

### **Član 1.**

Organizator nagradne igre pod nazivom „KLUB PLUS G100“ je društvo Čavkunović-BP d.o.o. Bihać, Banjalučka bb, 77000 Bihać, ID broj: 4263660110009, zastupano po direktoru Čavkunović Nedžad.

### **TRAJANJE NAGRADNE IGRE**

#### **Član 2.**

Trajanje nagradne igre je od 15.09.2020. do 15.12.2020. godine, na području Unsko sanskog kantona.

### **OBJAVA**

#### **Član 3.**

Učesnici će biti obavješteni o nagradnoj igri putem jednih od dnevnih novina, web stranice, Facebook i Instagram profila, kao i putem plakata na benzinskim pumpama Čavkunović-BP.

### **PRAVO UČEŠĆA**

#### **Član 4.**

Pravo učešća u nagradnoj igri imaju svi članovi KLUB-a PLUS koja izvrše kupovinu naftnih derivata i/ili LPG autoplina (DIZEL BAS EN 590 10 ppm, PREMIUM BEZOLOVNI BENZIN 95 BAS EN 228, SUPER PLUS BEZOLOVNI BENZIN 98 BAS EN 228 i LPG/autoplin) u vrijednosti od 50,00 KM i više za gotovinu, koji prihvataju Pravila nagradne igre.

U nagradnoj igri ne mogu učestvovati zaposleni u firmi Čavkunović-BP d.o.o. kao ni najbliži članovi njihovih porodica.

### **NAČIN UČEŠĆA**

#### **Član 5.**

Svaki kupac (fizičko lice, član KLUB\_a PLUS) koji kupi gorivo (DIZEL BAS EN 590 10 ppm, PREMIUM BEZOLOVNI BENZIN 95 BAS EN 228, SUPER PLUS BEZOLOVNI BENZIN 98 BAS EN 228 i LPG/autoplin) za gotovinu u jednokratnoj vrijednosti od 50,00 KM i više na benzinskim pumpama Čavkunović-BP d.o.o. na području Unsko sanskog kantona stiče pravo učešća u nagradnoj igri.

Uslov za učešće u nagradnoj igri je posjedovanje KLUB PLUS kartice lojalnosti.

Kupovinom navedenog goriva iz stava 1. ovog člana i ubacivanjem računa u za to označene kutije kupac potvrđuje da prihvata Pravila nagradne igre koja je propisao Organizator i stiče pravo učešća u nagradnoj igri.

Svaki učesnik može izvršiti neograničen broj prijava, ako zadovoljava stav 1. člana 5. pravila nagradne igre.

## **FOND NAGRADA**

### **Član 6.**

Ukupna novčana vrijednost nagradnog fonda iznosi:

60 nagrada x 100,00 KM = 6.000,00 KM (Slovima: šest hiljada KM i 00/100)

### **Član 7.**

Nagrade će se dijeliti tri (3) puta po 20 nagrada.

## **IZVLAČENJE**

### **Član 8.**

Izvlačenje nagrada će vršiti u tri kruga, i to:

- Prvi krug (15.10.2020. godine) - će biti izvučeni dobitnici nagrada: 20 x 100,00 KM vrijednosti pogonskog goriva prema izboru dobitnika nagrade
- Drugi krug (15.11.2020. godine) - će biti izvučeni dobitnici nagrada: 20 x 100,00 KM vrijednosti pogonskog goriva prema izboru dobitnika nagrade
- Treći krug (15.12.2020.godine) - će biti izvučeni dobitnici nagrada: 20 x 100,00 KM vrijednosti pogonskog goriva prema izboru dobitnika nagrade

Dobrovoljnim ubacivanjem računa za gorivo u prethodno definiranom iznosu u kartonsku kutiju predviđenu za izvlačenje nagradne igre, član potvrđuje učestvovanje u nagradnoj igri.

Izvlačenje će se vršiti pred tročlanom komisijom koju odabere Organizator, slučajnim odabirom (izvlačenjem) računa iz kartonske kutije predviđene za nagradnu igru, fizičkim otvaranjem iste.

## **OBJAVA DOBITNIKA**

### **Član 9.**

Popis svih dobitnika će biti objavljen u roku od pet (5) radnih dana od dana izvlačenja, putem WEB stranice [www.cavkunovic.ba](http://www.cavkunovic.ba), Facebook i Instagram profila i na benzinskim pumpama Čavkunović-BP, a dobitnici ujedno pristaju da Čavkunović-BP d.o.o. može obrađivati lične podatke u smislu: imena i prezimena, broja telefona i slika, te da ime, prezime, grad prebivališta i sliku dobitnika mogu javno prikazati bez naknade.

## **PREUZIMANJE NAGRADE**

### **Član 10.**

Dobitnici će biti obaviješteni u roku od 8 dana od dana objave dobitnika. Nagrade se mogu preuzeti u roku od 30 dana od dana objave, a prema uputstvu organizatora. Organizator se obavezuje da će dobitnike telefonski kontaktirati.

Ako dobitnici ne preuzmu nagradu u predviđenom roku, organizator će ih ponovo obavijestiti i postaviti naknadni rok od 8 dana za preuzimanje nagrade.

Dobitnici nagrada nemaju pravo tražiti isplatu novčane protuvrijednosti osvojene nagrade i ne mogu prenijeti nagradu na druge osobe.

Organizator ne snosi nikakve troškove preuzimanja nagrada, plaćanje naknade, poreza, troškove povezane sa prijenosom prava vlasništva na vozilu, registracije i slično, a preuzimanjem nagrade prestaju dalje obaveze organizatora prema nagrađenim.

## **ZAVRŠNE ODREDBE**

### **Član 11.**

Komisija sačinjena od predstavnika firme organizatora će zapisnički utvrditi jesu li dobitnici preuzeli nagrade u roku iz člana 10. stav 1., te će istekom tog roka utvrditi da je sa određenim datumom nagradna igra okončana.

### **Član 12.**

Dobitnici nagradne igre pristaju da im se ime, fotografija i snimljeni materijal koristi u svrhu promocije Organizatora nagradne igre putem svih medija bez naknade.

Učesnici nagradne igre prijavom na nagradnu igru pristaju da se podaci koji daju prilikom prijave mogu koristiti od strane Organizatora nagradne igre i njegovih poslovnih partnera.

Osim prethodno navedenih podaci se neće davati niti jednom trećem licu.

Organizator zadržava pravo da u bilo kojem trenutku diskvalifikuje učesnike za vrijeme trajanja nagradne igre ukoliko učesnik prekrši Pravila nagradne igre ili ukoliko se učesnik koristi lažnim podacima kako bi učestvovao u nagradnoj igri.

### **Član 13.**

U slučaju eventualnog spora između organizatora i učesnika, isti će se pokušati riješiti dogovorom, u suprotnom nadležan je sud u Bihaću.

## **Član 14.**

### Uslovi pod kojima se nagradna igra može prekinuti:

Nagradna igra se može prekinuti ili prolongirati u slučaju da nastupe okolnosti za koje Organizator nije odgovoran, odnosno koje nije mogao spriječiti, otkloniti ili izbjeći (viša sila).

Nagradna igra može biti prekinuta ili prolongirana ranije, u slučaju događaja koji predstavlja višu silu, uključujući nemogućnost Organizatora, iz razloga koji su van njegove kontrole, da nastavi Nagradnu igru. U pogledu ovih pravila, viša sila označava svaki događaj koji Organizator ne može kontrolisati, ispraviti ili predvidjeti, uključujući nemogućnost Organizatora, iz razloga van njegove kontrole, koji ga sprečavaju da ispuni svoje obaveze koje je preuzeo prema ovim Pravilima.

Ukoliko viša sila potpuno ili djelimično onemogućava ili odlaže izvršenje obaveza iz ovih Pravila, kao i nastavak Nagradne igre, Organizator se oslobađa dužnosti ispunjavanja obaveza.

Organizator, ako se poziva na višu silu, ima obavezu da obavijesti učesnike Nagradne igre u roku od 5 radnih dana o nastanku događaja koji predstavljaju višu silu.

## **Član 15.**

Ova pravila se primjenjuju po dobivanju saglasnosti nadležnog Federalnog ministarstva, a vrijede do završetka nagradne igre.

S pravilima nagradne igre saglasno je Federalno ministarstvo finansija Bosne i Hercegovine, prema rješenju broj: 05-12-1-690/20-T.B. od dana 26.08.2020. godine.

Broj: 495/20

U Bihaću, 12.8.2020. godine

Čavkunović-BP d.o.o.

Direktor:  
Nedžad Čavkunović

---